



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXXIX. Indulgentia, & gratiæ Spirituales pro Confraternitatibus Decem
Virtutum B.M.V.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

ferventur, quæ ad id per Constitutiones Ordinis hujusmodi, ac ordinationes Capitulorum Generalium ipsius Ordinis præscribantur, auctoritate Apostolica tenore præsentium indulgemus.

Clausula.

§. 2. Decernentes easdem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari: Sicque in præmissis per quoscumque Judices Ordinarios & Delegatos etiam Casuarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Ordinis, Congregationis, & Conventuum prædictorum, aliisque quibusvis etiam Juramento, confirmatione Apostolica, aut quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum inferis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus cæterisque contrariis quibuscumque.

Datum Romæ apud S. Mariam Majorem sub Annulo Piscat. die XXIII. Julii MDCXCVI. Pontificatus nostri Anno Sexto.

LXXIX.

Extenduntur Indulgentiæ, & gratiæ Spirituales Confraternitatibus SS. Sacramenti concessæ ad Confraternitates Decem Virtutum Beatæ Mariæ Virginis.

A Paulo III. concessæ fuere ad Indulgentiæ, & Gratiæ, & postea confirmatæ ab Innoc. XI. Constit. 1678. Oct. 1. P. 2. De d. Confraternitate vide Constitutiones infra laudatas.

Dat. 4. Oct. 1696. An. 6.

INNOCENTIUS PAPA XII.

Ad perpetuam rei memoriam.

Exordium.

Cælestium munerum Thesauros, quorum dispensationem fidei nostræ commisit Divina dignatio, prudenti liberalitate libenter erogamus, cum id pia Christianidelium, præsertim sub suavi Religionis jugo Altissimo famulantium, propriæque, ac alienæ saluti laudabiliter incumbendum vota postulant, & nos ad augendum Sanctissimi, Augustissimique Corporis, & Sanguinis Dom. N. Jesu-Christi cultum, & venerationem id speramus in Domino profuturum.

§. 1. Alias siquidem de mandato fel. record. Clementis PP. X. Prædecessoris nostri emanavit a Congregatione tunc existentium S. R. Ecclesiæ Cardinalium Indulgentiis, & Sacris Reliquiis præpositorum Decretum tenoris, qui sequitur, videlicet - Licet S. M. Paulus Papa III. per binas suas Constitutiones concesserit, ut Sanctissimi Corporis Christi Confraternitates omnes, & singulæ ubivis locorum institutæ, ac instituentæ, iisdem privilegiis, concessionibus, Indulgentiis, gratiis, indultis, quæ Confraternitati Sanctiss. Sacramenti in Ecclesia S. Mariæ super Minervam de Urbe erectæ largitus fuerat in posterum largiretur, uti, potiri, & possent, ac deberent; quia tamen per nonnullas Apostolicas Constitutiones, & Ordinationes, quæ deinceps emanarunt, præsertim vero similis memoriæ Cle-

Decretum Congregationis, quo declaratur, Confraternitates SS. Corporis Christi ex concessione Pauli III. etiam post Constitutionem Clem. VIII. esse participes Indulgentiarum &c.

mentis VIII. Constitutionem de aggregationibus editam, facultates, & Indulgentiæ, tam supradictæ Sanctæ Mariæ de Minerva, quam cæteris omnibus Confraternitatibus antea concessæ, aut abrogatæ, aut saltem moderatæ comperiuntur, atque hoc de genere decreta sunt, ex quibus in dubium revocari posse videtur, an hujusmodi Pauli III. concessionem pristinum suum robur adhuc retineant; Congregatio Eminentissimorum, & Reverendissimorum S. R. E. Cardinalium Indulgentiis, Sacrisque Reliquiis Præfectorum optans summopere Sanctiss. Sacramenti venerationem, & cultum in dies magis augeri, & ob eam causam hujusmodi Societatem in omnibus Ecclesiis Parochialibus erigi, atque ad id Christianifideles præcipuis gratiis excitari; speciali ordine habito vivæ vocis oraculo a Sanctiss. D. N. Clemente Papa X. felic. recor. Pauli V. vestigiis inhærente, decernit, ac declarat, juxta eandem Pauli III. Constitutiones Confraternitates omnes, & singulas Sanctissimi Corporis Christi, ubique terrarum hæctenus Apostolica, vel ordinaria auctoritate erectas, aut posthac erigendas, absque nova, aut peculiari alia concessione, communicatione, vel aggregatione fore, & esse debere participes quorumcumque Privilegiorum, concessionum, Indulgentiarum, facultatum, gratiarum, & Indultorum ab eodem Paulo III. Archiconfraternitati Sanctissimi Sacramenti de Minerva per Breve datum Romæ apud Sanctum Petrum die tertia Novembris 1606. nominatum, & expresse concessorum, ac in posterum a Sede Apostolica concedendorum, illisque omnibus, & singulis uti, potiri, & gaudere posse, ac debere statim, atque Confraternitatum earumdem erectio Apostolica, vel Ordinaria auctoritate facta fuerit; servata tamen in reliquis omnibus prædicta Clementis VIII. Constitutione. Non obstantibus Constitutionibus, & Ordinationibus Apostolicis de Indulgentiis ad instar non conceden, nec aliis contrariis quibuscumque. Datum Romæ die 23. Apr. 1676. C. Cardinalis Maximus - Michael Angelus Riccius Secretarius.

§. 2. Postmodum vero recolendæ memoriæ Innocentius Papa XI. pariter Prædecessor noster Decretum hujusmodi, toto illius tenore inserto sub certis modo, & forma tunc expressis auctoritate Apostolica approbavit, confirmavit, & innovavit, prout in ipsius Innocentii Prædecessoris Literis desuper in simili forma Brevis die 1. Octobris 1678. expeditis, quarum tenorem præsentibus pro plene, & sufficienter expresso, & inserto haberi volumus uberius continetur.

§. 3. Cum autem sicut pro parte dilectorum Missionariorum Ordinis Minorum S. Francisci de Observantia nuncupatorum per dilectum filium Franciscum Diaz a Sancto Bonaventura Fratrem expresse professum dicti Ordinis, ac eorum Missionariorum in Romana Curia Procuratorem Nobis nuper expositum fuit, duæ Confraternitates in honorem Sanctissimi Eucharistiæ Sacramenti, ac Beatissimæ Virginis Mariæ in diversis Christiani Orbis partibus opera, & sollicitudine Fratrum præfatorum, non solum in utriusque sexus personarum obedientiæ, seu directioni Ministri Generalis ejusdem Ordinis Subditarum, sed etiam in aliis omnimodæ Ordinariorum Locorum Jurisdictioni, subiectis Ecclesiæ canonice jamdudum institutæ, ac pie memor. Leone X. per suas Literas incipientes - *Cum in honorem, &c.* anno 1517. expeditas, & forsitan aliis Romanis Pontificibus, etiam Prædecessoribus Nostri approbatæ, ad unam subinde Confraternitatem dumtaxat sub titulo decem Virtutum, seu decem Beneplacitorum ejusdem Beatiss. Virginis

Confraternitatis SS. Sacramenti super Minervam de Urbe.

Ab Innoc. XI. confirmatum fuit re latum Decretum.

Causæ Extensionis, & preces Missionariorum Minorum de Observ.

Mariæ

Mariæ in diversis pariter Locis pro cuiusvis Status Christifidelibus pia eorumdem Fratrum cura propagatam, itidem canonicè redactæ fuerint; Confratres vero, & Conforores Confraternitatis huiusmodi, quæ etiam alicubi Conceptionis ipsius Beatissimæ Virginis Mariæ, frequentius vero Sanctissimi Corporis Christi Confraternitas denominatur, ac inter peculiare memorati Ordinis Confraternitates recensetur, inter cetera pietatis, & Christianæ charitatis opera, quibus incumbere consueverunt, tam ex primævo primodiæarum duarum Confraternitatum, quam proprio Instituto, circa venerationem, & cultum prædicti Sanctissimi Eucharistiæ Sacramenti non minus ac illi, qui Confraternitatibus sub titulo ejusdem Sanctissimi Corporis Christi, ubi vis erectis adscripti reperiuntur se exercent, illud potissimum pie, ac devotè comitando cum ad Infirmos, vel alias in Processionibus circumferunt, ac proinde exponentes præfati, ut eorumdem Confratrum, & Confororum, pietas, ac devotio erga Sacratissimum hoc salutis nostræ pignus magis, magisque in dies incitetur, illos Indulgentiarum, & aliarum gratiarum Spiritualium, quibus prædictæ Sanctissimi Corporis Christi Confraternitates in vim Decreti præinserti, ejusque confirmatoriarum Innocentii Prædecessoris Literarum huiusmodi fruuntur, participes fieri plurimum desiderent: Nos piis eorumdem Exponentium votis hac in re quantum cum Domino possumus, benigne annuere volentes, & illorum singulares personas a quibusvis excommunicationis, suspensionis, & interdici, aliisque Ecclesiasticis Sententiis, Censuris, & pœnis a Jure, vel ab homine quavis occasione, vel causa latis si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, omnes, & singulas Indulgentias, & peccatorum remissiones, ac penitentiarum relaxationes, aliasque gratias Spirituales, quibus Confratres, & Conforores Confraternitatum sub præfato titulo Sanctissimi Corporis Christi, ubique locorum Apostolica, vel Ordinaria auctoritate erectarum, & erigendarum per Decretum præinsertum, ejusque confirmatorias Innocentii Prædecessoris Literas supradictas uti, frui, & gaudere posse, ut præfertur, declaratum fuit, ad Confraternitates sub memorato titulo decem Virutum, seu decem Beneplacitorum ejusdem Beatissimæ Virginis Mariæ ubique pariter Locorum opera Fratrum Fratrum canonicè hæcenus erectas, & in posterum erigendas, illarumque Confratres, & Conforores dummodo tamen ea, quæ pro consequendis Indulgentiis, seu peccatorum remissionibus, ac penitentiarum relaxationibus, aliisque gratiis Spiritualibus huiusmodi præscripta sunt, seu pro tempore fuerint, adimpleant, auctoritate Apostolica tenore præsentium in perpetuum extendimus, & ampliamus.

Extensio prædicta.

Clausula.

§. 4. Non obstantibus nostra de non concedendis Indulgentiis ad instar, aliisque Constitutionibus, & Ordinationibus Apostolicis, cæterisque contrariis quibuscumque.

§. 5. Volumus autem, ut earundem præsentium Literarum, transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Picatoris die IV. Octobris MDCXCVI, Pontificatus nost. An. Sexto.

Confirmantur Decreta Congregationis particularis circa jurisdictionem Vicariorum in Anglia contra Regulares.

Inn. XI. Const. ed. 1681. Maji 20. P. 5. legitur lis inter Episcopum Meckinam, & Regulares. Et hujus Pontificis Const. sequenti plures Provincie Regni Sinarum committuntur Vicariis Apostolicis.

INNOCENTIUS PAPA XII.

Ad futuram rei memoriam.

Alias a particulari Congregatione nonnullorum ex Venerab. Fratribus Nostri S. R. E. Cardinalibus Congregationis Propagandæ Fidei negotiis, præpositæ super rebus Angliæ a Nobis specialiter deputata emanarunt super quibusdam instantis pro parte dilectorum filiorum Vicariorum Apostolicorum Regni Angliæ Nobis factis, quas una cum supplicibus libellis desuper Nobis porrectis ad eandem particularem Congregationem remisimus, Decreta tenoris, qui sequitur videlicet. Decreta Sacræ Congregationis particularis de Propaganda fide habitæ die 6. Octobris 1695. - Relatis in Congregatione Eminentissimorum DD. Cardinalium de Propaganda fide super rebus Angliæ specialiter a Sanctissimo D. Nostro Innocentio XII. deputatorum instantis Sanctitati suæ factis a Vicariis Apostolicis Angliæ in eorum libellis supplicibus tenoris sequentis videlicet: Beatissime Pater: Cum ex vi, seu occasione Privilegiorum Ordini Sancti Benedicti Congregationis Anglicanæ a Sede Apostolica concessorum, necnon prætextu Jurisdictionis, quæ ante Schisma eidem Ordini in Anglia competebar, prætendant Monachi dicti Ordinis se tanquam Vicarios Capitulares, seu ipsum Capitulum, Sede vacante habere in plerisque Regni Dicecesibus Jurisdictionem ordinariam, & hanc non cessare, ex quo Sancta Sedes eidem Regno concesserit Vicarios Apostolicos ad illas Ecclesias regendas: Cumque exinde uti experientia docuit hoc ipso sæculo orti possint contentiones, & controversiæ hos inter, & illos regimini illorum fidelium, & propagationi fidei summopere noxiæ, præjudiciales, & scandalosæ; Idcirco supplicatur ea, quæ par est humilitate, Sanctitati vestræ, quatenus declarare dignetur cessare omnem talem præfatorum Monachorum Jurisdictionem qualicumque sit, eo ipso, quod S. Sedes Apostolica concesserit Vicarios Apostolicos in Regno Angliæ, eisque solitas facultates generaliter regendi Ecclesias sibi commissas tribuerit: uti in partibus Catholicis cessat omnis Jurisdictio Capituli, & Vicariorum Capitularium, Sede vacante, statim atque Sedes Apostolica Vicarium Apostolicum delegat ad Ecclesiam vacantem interim gubernandam: Quem favorem &c. Quam Deus &c. - Beatissime Pater. Ea, quæ par est humilitate Sanctitati vestræ exponitur plurima quotidie fidei Catholicæ præjudicia in Angliæ exoriri, ex eo quod Regulares ibidem prætendant se vigore suorum Privilegiorum ab omni Jurisdictione Vicariorum Apostolica auctoritate eidem Regno concessorum exemptos esse, & cum ex alia parte Vicarii Apostolici præfati regere non possint Ecclesias sibi commissas, nisi Regulares prædicti eis subjiciantur, saltem quoad ea, quæ Missiones, & curam animarum concernunt, quapropter Sanctitati vestræ humiliter supplicatur, ut Bullas, seu Brevia Apostolica alias ab hac Sancta Sede occasione similium controversiarum in Regno Sinarum, Indiis, & alibi exortarum emanata extendere dignetur simili Bulla, seu Brevis ad omnia Regna, & Insulas dominio

LXXX.

Dat. 5. Oct.
1696. An. 6.

Decreta prædicta.

Supplex libellus Vicariorum contra Benedictinos circa jurisdictionem ordinariam.

Alter libellus Vicariorum circa exemptionem Regularium ab eorum jurisdictione.

Sereniss.